

ԳԵՈՌԵՅԴ ՓԲԸ

Ֆինանսական հաշվետվություններ

2017թ. դեկտեմբերի 31-ին

Ավարտված տարվա համար

Երևան 2018թ.

Բովանդակություն

Ֆինանսական վիճակի մասին հաշվետվություն	3
Շահույթ կամ վնասի և այլ համապարփակ ֆինանսական արդյունքի մասին հաշվետվություն	4
Սեփական կապիտալում փոփոխությունների մասին հաշվետվություն	5
Դրամական միջոցների հոսքերի մասին հաշվետվություն	6
Ֆինանսական հաշվետվություններին կից ծանոթագրություններ	7

'000 ՀՀ դրամ	Ծնթգ.	2017	2016
ԱԿՏԻՎՆԵՐ			
Հիմնական միջոցներ	10	23,494	31,850
Հետախուզական և գնահատման ակտիվներ	9	992,064	919,693
Ընդամենը ոչ ընթացիկ ակտիվներ		1,015,558	951,544
Պաշար		100	12
Առևտրային և այլ դեբիտորական պարտքեր	11	32,149	32,833
Դրամական միջոցներ և դրանց համարժեքներ	12	6,526	6,774
Ընդամենը ընթացիկ ակտիվներ		38,774	39,619
Ընդամենը ակտիվներ		1,054,333	991,163
Սեփական կապիտալ և պարտավորություններ			
Բաժնեհավաք կապիտալ	13	284	250
Էմիսիոն եկամուտ	13	1,234,320	1,182,300
Լրացուցիչ կապիտալ /APIC/	13	27,938	6,999
Կուտակված վնաս		(251,336)	(234,908)
Ընդամենը սեփական կապիտալ		1,011,205	954,641
Պարտավորություններ			
Փոխառություններ	14	13,661	0
Հետաձգված հարկային պարտավորություններ	8	7,412	6,117
Ընդամենը ոչ ընթացիկ պարտավորություններ		21,073	6,117
Փոխառություններ	14	18,055	18,355
Առևտրային և այլ կրեդիտորական պարտքեր	15	4,000	12,050
Ընդամենը ընթացիկ պարտավորություններ		22,055	30,405
Ընդամենը պարտավորություններ		43,128	36,522
Ընդամենը Սեփական կապիտալ և պարտավորություններ		1,054,333	991,163

Ֆինանսական հաշվետվությունը հաստատվել է 2018թ.-ի ապրիլի 10-ին:

Տնօրեն՝

Արմեն Սաֆարյան



Ֆինլեքս ՍՊԸ հաշվապահ՝

Մարիամ Շահինյան

Ֆինանսական վիճակի մասին հաշվետվությունը պետք է ընթերցվի 8-25 էջերում ներկայացված հաշվետվությունների բաղկացուցիչ մաս կազմող ծանոթագրությունների հետ մեկտեղ

ԳԵՈՌԵՑԴ ՓԲԸ
*Շահույթ կամ վնասի և այլ համապարփակ ֆինանսական
 արդյունքի մասին հաշվետվություն
 31 դեկտեմբերի 2017-ին ավարտված տարվա համար*

’000 ՀՀ դրամ	Ծնթգ.	2017	2016
Վարչական և ընդհանուր ծախսեր	5	(21,731)	(33,074)
Այլ եկամուտ/(ծախսեր)	6	1,295	(580)
Ֆինանսական ծախսեր	7	(156)	(54)
Շահույթ/(վնաս) մինչև հարկերը		(20,592)	(33,708)
Շահութահարկի գծով ծախս	8	3,940	5,032
Այլ համապարփակ ֆին. արդյունք		-	-
Ընդամենը տարվա համապարփակ ֆինանսական արդյունք		(16,652)	(28,675)

Շահույթ կամ վնասի և այլ համապարփակ ֆինանսական արդյունքի մասին հաշվետվությունը պետք է ընթերցվի պետք է ընթերցվի 8-25 էջերում ներկայացված հաշվետվությունների բաղկացուցիչ մաս կազմող ծանոթագրությունների հետ մեկտեղ

ԳԵՈՌԵՅԴ ՓԲԸ
Սեփական կապիտալում փոփոխությունների մասին հաշվետվություն
31 դեկտեմբերի 2017թ-ին ավարտված տարվա համար

’000 ՀՀ դրամ	Բաժնեհա վաք կապիտալ	Էմիսիոն եկամուտ	Լրացուցիչ կապիտալ	Կուտակված վնաս	Ընդամենը
Մնացորդը առ 01 հունվար 2016թ.	50	-	678,381	(99,334)	579,097
Հասարակ բաժնետոմսերի թողարկում	200	1,182,300			1,182,500
Ծախսերի հետ կապված գործարք				(106,899)	(106,899)
Լրացուցիչ կապիտալ			(671,382)		(671,382)
Հաշվետու տարվա վնաս				(28,675)	(28,675)
Այլ համախառն եկամուտ				-	-
Ընդամենը հաշվետու տարվա համա- խառն եկամուտ				(28,675)	(28,675)
Մնացորդը առ 31 դեկտեմբեր 2016թ.	250	1,182,300	6,999	(234,908)	954,641
 Մնացորդը առ 01 հունվար 2017թ.	 250	 1,182,300	 6,999	 (234,908)	 954,641
Հասարակ բաժնետոմսերի թողարկում	34	52,020			52,054
Գործարքի հետ կապված զեղչ				224	224
Լրացուցիչ կապիտալ			20,939		20,939
Հաշվետու տարվա վնաս				(16,652)	(16,652)
Այլ համախառն եկամուտ				-	-
Ընդամենը հաշվետու տարվա համա- խառն եկամուտ				(16,652)	(16,652)
Մնացորդը առ 31 դեկտեմբեր 2017թ	284	1,234,320	27,938	(251,336)	1,011,206

Սեփական կապիտալում փոփոխությունների մասին հաշվետվություն պետք է ընթերցվի 8-ից 25-րդ էջերում ներկայացված ֆինանսական հաշվետվությունների բաղկացուցիչ մաս կազմող ծանոթագրությունների հետ մեկտեղ:

ԳԵՈՒԵՑԴ ՓԲԸ
Դրամական միջոցների հոսքերի մասին հաշվետվություն
31 դեկտեմբերի 2017թ-ին ավարտված տարվա համար

’000 AMD	2017	2016
Գործառնական գործունեությունից դրամական միջոցների հոսքեր		
Վճարումներ ստացված ծառայությունների դիմաց	(9,730)	(12,138)
Վճարումներ աշխատակիցներին	(7,620)	(11,972)
Հարկեր	(1,660)	(3,951)
Արժույթի փոխարկում	(159)	(282)
Տրամադրված օգնություն	(50)	(108)
Դրամական միջոցների զուտ հոսքեր գործառնական գործունեությունից	(19,220)	(28,452)
Ներդրումային գործունեությունից դրամական միջոցների հոսքեր		
Հիմնական միջոցների վաճառքից ներհոսք	4,750	-
Վճարումներ ստացված ծառայությունների դիմաց	(38,616)	(131,809)
Վճարումներ աշխատակիցներին	(29,041)	(53,216)
Հարկեր	(9,408)	(22,627)
Լիցենզիայի գծով վճարում	(50)	(50)
Դրամական միջոցների զուտ հոսքեր ներդրումային գործունեությունից	(72,365)	(207,703)
Դրամական հոսքեր ֆինանսական գործունեությունից		
Բաժնետոմսերի թողարկում	34	-
Ստացված փոխառություններ	94,719	235,725
Փոխառության մարում	(3,210)	-
Դրամական միջոցների զուտ հոսքեր ֆինանսական գործունեությունից	91,542	235,725
Դրամական միջոցների և դրանց համարժեքների զուտ ան	(42)	(429)
Դրամական միջոցների և դրանց համարժեքները առ 01 հունվարի	6,773	7,216
Դրամական միջոցների և դրանց համարժեքների տարադրամի տատանումներ	(205)	(13)
Դրամական միջոցներ և դրանց համարժեքներ առ 31 դեկտեմբերի (ծանոթագրություն 12)	6,526	6,773

Դրամական միջոցների հոսքերի մասին հաշվետվություն պետք է ընթերցվի 8-ից 25-րդ էջերում ներկայացված ֆինանսական հաշվետվությունների բաղկացուցիչ մաս կազմող ծանոթագրությունների հետ մեկտեղ:

ԳԵՈՌԵՅԴ ՓԲԸ

**Ֆինանսական հաշվետվությունների մասին
ծանոթագրություն 31 դեկտեմբերի 2017թ-ին ավարտված տարվա համար**

Ծանոթագրություն	Էջ	Ծանոթագրություն	Էջ
1 Նախապատմություն	8	11 Առևտրային եւ այլ դերհտորական պարտքեր	20
2 Պատրաստման հիմունքներ	8	12 Դրամական միջոցներ և դրանց համարժեքներ	20
3 Նշանակալի քաղաքականություն	9	13 Հիմնական կապիտալ և պահուստներ	20
4 Դեռևս չընդունված նոր ստանդարտներ և մեկնաբանություններ	15	14 Փոխառություններ	20
5 Վարչական ծախսեր	17	15 Առևտրային եւ այլ կրեդիտորական պարտքեր	21
6 Այլ ծախսեր	17	16 Ֆինանսական գործիքներ և ռիսկերի կառավարում	21
7 Ֆինանսական եկամուտ և ծախսեր	17	17 Պայմանականություններ	24
8 Ծախսերի հաշվարկ	17	18 Փոխկապակցված կողմերի գործարքներ	24
9 Հետախուզական և գնահատման ակտիվներ	18		
10 Հիմնական միջոցներ	19		

1. Նախապատմություն

(ա) Կազմակերպությունը և հիմնական գործունեությունը

ԳԵՈՌԵՅԴ ՓԲԸ–ն (այսուհետ՝ Ընկերություն) հիմնադրվել է համաձայն ՀՀ օրենսդրության 2009թ.-ի հոկտեմբերի 19-ին:

Ընկերության գրանցման հասցեն է ՀՀ, ք. Երևան, Հ. Քոչար 8/16:

Ընկերությունն իրականացնում է երկաթանական հետախուզական և գնահատման աշխատանքներ Մուցք (Բարձրավան) տեղամասում որը տեղակայված է ՀՀ, Սյունիքի մարզում: Երկրաբանահետախուզական աշխատանքների լիցենզիան գործում է մինչև 2019թ.-ի հուլիս ամիսը:

Առ 2017թ.-ի դեկտեմբերի 31-ը, Ընկերության վերջնական վերահսկող կողմը Օրեգոն Գոլդ(Արմենիա) ՍՊԸ-ն է, ով, իրավասու է իր հայեցողությամբ և իր օգտին, ուղղորդել Ընկերության գործարքերը: Կողմին առնչվող գործարքներն արտացոլված են 18 ծանոթագրությունում:

(բ) Գործարար միջավայր

Ընկերությունը գործունեություն է ծավալում Հայաստանի Հանրապետությունում, հետևաբար ենթարկվում է ՀՀ-ում տեղի ունեցող տնտեսական և ֆինանսական փոփոխություններին, որոնք բնորոշ են զարգացող շուկաներին: Իրավական, հարկային և օրենսդրական շրջանակները շարունակ զարգանում են, սակայն ենթարկվում են հաճախակի փոփոխությունների, որոնք էլ այլ իրավական եւ հարկաբյուջետային խոչընդոտների հետ համատեղ մարտահրավերներ են առաջացնում Հայաստանում գործող կազմակերպությունների համար: Ֆինանսական հաշվետվություններն արտացոլում են ֆինանսական դրության և գործառնությունների վրա Հայաստանի գործարար միջավայրի ազդեցության ղեկավարության գնահատականը: Ապագա գործարար միջավայրը կարող է տարբերվել ղեկավարության գնահատականից:

2. Պատրաստման հիմունքները

(ա) Համապատասխանության մասին հայտարարություն

Սույն ֆինանսական հաշվետվությունները պատրաստվել են Ֆինանսական հաշվետվությունների միջազգային ստանդարտների (ՖՀՄՍ) համաձայն:

(բ) Չափման հիմունքները

Սույն ֆինանսական հաշվետվությունները պատրաստվել են սկզբնական արժեքի սկզբունքի հիման վրա, բացառությամբ որոշ ֆինանսական գործիքների, որոնք ներկայացված են իրական արժեքով և ապագա դրամական հոսքերի ներկա զեղչված արժեքով:

(գ) Ֆունկցիոնալ և ներկայացման արժույթ

Հայաստանի Հանրապետության ազգային արժույթը ՀՀ դրամն է (դրամ): Դրամը հանդիսանում է Ընկերության ֆունկցիոնալ արժույթը և ֆինանսական հաշվետվությունների ներկայացման արժույթը: Ֆինանսական տեղեկատվությունը ներկայացված է ՀՀ դրամով՝ հազարների ճշտությամբ:

(դ) Գնահատումների, ենթադրությունների և դատողությունների օգտագործում

Ֆինանսական հաշվետվությունները ՖՀՄՍ-ների համաձայն պատրաստելու համար ղեկավարությունը կատարել է մի շարք գնահատումներ, ենթադրություններ և դատողություններ, որոնք ազդեցություն ունեն հաշվապահական քաղաքականության

կիրառման և ակտիվների, պարտավորությունների, եկամուտների և ծախսերի ճանաչված գումարների վրա: Փաստացի արդյունքները կարող են տարբերվել այդ գնահատումներից:

Գնահատումները և դրանց համար հիմք հանդիսացող ենթադրությունները կանոնավոր կերպով վերանայվում են: Հաշվապահական գնահատումների վերանայումները ճանաչվում են այն ժամանակաշրջանում, երբ գնահատումները վերանայվել են և այն ապագա ժամանակաշրջաններում, որոնց վրա ազդեցություն ունեն:

Ֆինանսական հաշվետվություններում ճանաչված գումարների վրա առավելագույն էական ազդեցություն ունեցող հաշվապահական հաշվառման քաղաքականության կիրառման ժամանակ դատողությունների վերաբերյալ տեղեկատվությունը ներկայացված է 9 ծանոթագրությունում՝ **Հետախուզական և գնահատման ակտիվներ-Հետախուզական և գնահատման ակտիվների դասակարգում:**

Հաջորդ ֆինանսական տարում զգալի ռիսկեր պարունակող ենթադրությունների և գնահատման անորոշությունների վերաբերյալ տեղեկատվությունը ներառված է հետևյալ ծանոթագրություններում՝

- Ծանոթագրություն 1(ա), *Կազմակերպում և շահագործում- Մուցքի (Բարձրավան) հանքի շահագործման լիցենզիա*
- Ծանոթագրություն 14, *Փոխառություններ-փոխարկելի փոխառության չափում և դասակարգում*

3. Նշանակալի քաղաքականություն

Ֆինանսական հաշվետվությունները պատրաստելիս ներքոնշյալ հաշվապահական քաղաքականությունը հետևողականորեն կիրառվել է այս ֆինանսական հաշվետվություններում ներկայացված բոլոր ժամանակաշրջաններում:

(ա) Արտարժույթով գործարքներ

Արտարժույթով իրականացված գործարքները փոխարկվում են համապատասխան ֆունկցիոնալ արժույթների գործարքների օրվա դրությամբ ՀՀ Կենտրոնական բանկի (ՀՀ ԿԲ) կողմից հրապարակված փոխարժեքով: Հաշվետու ամսաթվի դրությամբ արտարժույթով արտահայտված դրամային ակտիվները և պարտավորությունները փոխարկվում են ֆունկցիոնալ արժույթի այդ օրվա դրությամբ ՀՀ ԿԲ կողմից հրապարակված փոխարժեքով: Դրամային հոդվածների գծով արտարժույթի փոխարկումից օգուտը կամ վնասը ժամանակաշրջանի սկզբի դրությամբ ֆունկցիոնալ արժույթի ամորտիզացված արժեքի՝ ճշգրտված ժամանակաշրջանի ընթացքում արդյունավետ տոկոսի և վճարումների գծով, և հաշվետու ժամանակաշրջանի վերջի դրությամբ գործող փոխարժեքով փոխարկված արտարժույթի ամորտիզացված արժեքի միջև տարբերությունն է:

Իրական արժեքով չափվող արտարժույթով ոչ դրամային հոդվածները վերահաշվարկվում են ֆունկցիոնալ արժույթի իրական արժեքի որոշման օրվա դրությամբ ՀՀ ԿԲ կողմից հրապարակված փոխարժեքով:

Արտարժույթով արտահայտված դրամային հոդվածների վերահաշվարկումից առաջացող փոխարժեքային տարբերությունները ճանաչվում են շահույթում կամ վնասում:

(բ) Ֆինանսական գործիքներ

i. Ոչ ածանցյալ ֆինանսական ակտիվներ

Ոչ ածանցյալ ֆինանսական ակտիվները ներառում են վաճառքի համար մատչելի ներդրումներ, տրամադրված վարկեր, առևտրային և այլ դեբիտորական պարտքեր, ինչպես նաև դրամական միջոցներ և դրանց համարժեքներ:

Ընկերությունը դեբիտորական պարտքերը, ժամկետային ավանդները, և դրամական միջոցներն ու դրանց համարժեքները սկզբնապես ճանաչում է դրանց առաջացման օրը: Բոլոր մյուս ֆինանսական ակտիվները սկզբնապես ճանաչվում են վաճառքի ամսաթվի դրությամբ, որի ընթացքում Ընկերությունը դառնում է ֆինանսական գործիքի պայմանագրային կողմ:

**Ֆինանսական հաշվետվությունների մասին
ծանոթագրություն 31 դեկտեմբերի 2017թ-ին ավարտված տարվա համար**

Ընկերությունն ապաճանաչում է ֆինանսական ակտիվը, երբ ֆինանսական ակտիվից առաջացող դրամական հոսքերի նկատմամբ պայմանագրային իրավունքները կորցնում են իրենց ուժը, կամ երբ փոխանցում է ֆինանսական ակտիվից դրամական հոսքերի ստացման պայմանագրային իրավունքներն այնպիսի գործարքում, որում փոխանցվում են ֆինանսական ակտիվի սեփականության հետ կապված, ըստ էության, բոլոր ռիսկերն ու հատույցները: Մասնակցությունը փոխանցված ակտիվում, որն առաջացել կամ պահպանվել է Ընկերության կողմից, ճանաչվում է որպես առանձին ակտիվ կամ պարտավորություն:

Ֆինանսական ակտիվները և պարտավորությունները հաշվանցվում են ֆինանսական վիճակի մասին հաշվետվությունում արտացոլելով գուտ գումարով, եթե գոյություն ունի ճանաչված գումարները հաշվանցելու իրավաբանորեն ամրագրված իրավունք, ինչպես նաև հաշվարկը գուտ հիմունքով իրականացնելու կամ միաժամանակ ակտիվն իրացնելու և պարտավորությունը մարելու մտադրություն:

Ընկերությունը դասակարգում է իր ոչ ածանցյալ ֆինանսական ակտիվները փոխառությունների և դեբիտորական պարտքերի:

Փոխառություններ և դեբիտորական պարտքեր

Փոխառություններն և դեբիտորական պարտքերը ֆիքսված կամ որոշելի վճարումներով ոչ ածանցյալ ֆինանսական ակտիվներ են, որոնք գնանշված չեն ակտիվ շուկայում: Այս ֆինանսական ակտիվները սկզբնապես ճանաչվում են իրական արժեքով գումարած ուղղակիորեն վերագրելի գործարքի հետ կապված ծախսումները: Փոխառությունները և դեբիտորական պարտքերը սկզբնական ճանաչումից հետո չափվում են ամորտիզացված արժեքով կիրառելով արդյունավետ տոկոսադրույքի մեթոդը հանած արժեզրկումից կորուստները:

Փոխառություններն ու դեբիտորական պարտքերը ներառում են ֆինանսական ակտիվների հետևյալ դասակարգերը՝ առևտրային և այլ դեբիտորական պարտքերը ներկայացված են Ծանոթագրություն 11-ում, իսկ դրամական միջոցներն ու դրանց համարժեքները ներկայացված են Ծանոթագրություն 12-ում:

Դրամական միջոցներ ու դրանց համարժեքներ

Դրամական միջոցները և դրանց համարժեքները ներառում են կանխիկ միջոցները ու բանկային ընթացիկ հաշվեհամարների մնացորդները:

ii. Ոչ ածանցյալ ֆինանսական պարտավորություններ

Ընկերությունը դասակարգում է ոչ ածանցյալ ֆինանսական պարտավորությունները այլ ֆինանսական պարտավորությունների դասի: Նման ֆինանսական պարտավորությունների սկզբնական ճանաչումը տեղի է ունենում իրական արժեքով՝ հանած գործարքին ուղղակիորեն վերագրելի բոլոր ծախսերը: ոչ ածանցյալ ֆինանսական պարտավորությունները հետագայում չափվում են ամորտիզացված արժեքով՝ կիրառելով արդյունավետ տոկոսադրույքի մեթոդը:

Այլ ֆինանսական պարտավորություններ ներառում են փոխառություններ և առևտրային ու այլ կրեդիտորական պարտքեր:

Բոլոր մյուս ֆինանսական պարտավորությունները սկզբնապես ճանաչվում են վաճառքի ամսաթվի դրությամբ, որի ընթացքում Ընկերությունը դառնում է գործիքի պայմանագրային կողմ:

Ընկերությունն ապաճանաչում է ֆինանսական պարտավորությունը, երբ պայմանագրային պարտավորությունները մարվում են, չեղյալ են հայտարարվում կամ ժամկետը լրանում է:

iii. Բաժնեհավաք կապիտալ

Հասարակ բաժնետոմսերը դասակարգվում են որպես սեփական կապիտալ: Հավելյալ ծախսերը, որոնք ուղղակիորեն կապված են հասարակ բաժնետոմսերի թողարկման հետ,

ճանաչվում են որպես սեփական կապիտալից նվազեցում՝ զերծ մնալով ցանկացած հարկային ազդեցությունից:

(գ) Հիմնական միջոցներ

i. Ծանաչում և չափում

Հիմնական միջոցների միավորները չափվում են սկզբնական արժեքով՝ հանած կուտակված մաշվածությունը և արժեզրկումից կորուստները:

Սկզբնական արժեքը ներառում է ակտիվի ձեռքբերմանն ուղղակիորեն վերագրելի ծախսումները: Սեփական ուժերով կառուցված ակտիվների սկզբնական արժեքը ներառում է նյութերի արժեքը, աշխատուժի ծախսումները, ակտիվն իր նպատակային օգտագործման համար աշխատանքային վիճակի բերելու հետ անմիջականորեն կապված այլ արտադրական ծախսումները, հիմնական միջոցների ապամոնտաժման և շահագործումից հանման ու տեղանքի վերականգնման ծախսումները, իսկ որակավորվող ակտիվների ձեռքբերման կամ կառուցման դեպքում՝ նաև կապիտալացման ենթակա փոխառության ծախսումները: Ձեռքբերված ծրագրային ապահովման արժեքը, որը հանդիսանում է հիմնական միջոցի ֆունկցիոնալության անբաժանելի մասը, կապիտալացվում է որպես այդ հիմնական միջոցի բաղկացուցիչ մաս:

Երբ հիմնական միջոցի միավորը բաղկացած է օգտակար ծառայության տարբեր ժամկետ ունեցող բաղկացուցիչներից, այդ բաղկացուցիչները հաշվառվում են որպես հիմնական միջոցների առանձին միավորներ (խոշոր բաղկացուցիչներ):

Հիմնական միջոցի միավորի օտարումից ստացված շահույթը կամ վնասը ճանաչվում են այլ եկամուտների/այլ ծախսերի կազմում շահույթ կամ վնասում:

ii. Հետագա ծախսումներ

Հիմնական միջոցների միավորի բաղկացուցչի փոխարինման ծախսումները ճանաչվում են միավորի հաշվեկշռային արժեքում, երբ հավանական է, որ այդ միավորի հետ կապված ապագա տնտեսական օգուտները կհոսեն դեպի Ընկերություն և վերջինիս արժեքը հնարավոր կլինի արժանահավատորեն չափել: Փոխարինվող բաղկացուցչի հաշվեկշռային արժեքն ապաճանաչվում է: Հիմնական միջոցների ամենօրյա սպասարկումը ճանաչվում են շահույթում կամ վնասում:

iii. Մաշվածություն

Հիմնական միջոցների միավորների մաշվածությունը հաշվարկվում է տեղադրման և կիրառմանը պատրաստ լինելու պահից, կամ ներկառուցվող ակտիվներին՝ ավարտուն և կիրառման պատրաստ ամսաթվից:

Մաշվածությունը ճանաչվում է շահույթում կամ վնասում, բացառությամբ եթե այն ներառվել է մեկ այլ ակտիվի հաշվեկշռային արժեքում՝ կիրառելով գծային մեթոդը հիմնական միջոցի օգտակար ծառայության գնահատված ժամկետի ընթացքում: Հիմնական միջոցների գնահատված օգտակար ծառայության ժամկետները ներկայացված են ստորև.

Մեքենաներ և սարքավորումներ – 5 տարի

Համակարգչային տեխնիկա- 3 տարի

Տրանսպորտային միջոցներ – 5 տարի

Արտադրական գույք, տնտեսական գույք 1-5 տարի

(դ) Հետախուզական և գնահատման ակտիվներ

Հետախուզական և գնահատման ծախսերը վերաբերում են պոտենցիալ օգտակար հանածոների պաշարների հետախուզական եւ գնահատման ծախսերին եւ ներառում են հանքային իրավունքների ձեռքբերման, երկրաբանական, երկրաբաշխական եւ երկրաֆիզիկական ծախսերի, հետախուզական հորատման, նմուշի փորձարկման, նախնական տեխնիկա-տնտեսական ուսումնասիրության ծախսերը, հավաքման եւ

Հաճազործման ծախսերը, արտադրական սարքավորումներն ու հետախուզական աշխատանքների հետ կապված ծախսերը:

Յուրաքանչյուր հատվածի համար հետազոտման եւ գնահատման ծախսերը կապիտալացվում են եւ հաշվառվում որպես ակտիվ, եթե բավարարում են հետևյալ պայմաններից որևէ մեկին:

- այդպիսի ծախսերն ակնկալվում է, որ կփոխհատուցվեն յուրաքանչյուր հատվածի ակնկալվող հաջող զարգացման և հետախուզական աշխատանքների արդյունքում կամ այլընտրանքային տարբերակով՝ դրա վաճառքից,
- յուրաքանչյուր հատվածում հետախուզական և գնահատման գործողությունները չեն հասել այդպիսի մակարդակի, որը թույլ կտա ողջամիտ գնահատական ունենալ տնտեսապես վերականգնվող պահուստների առկայության վերաբերյալ կամ տարածքի նկատմամբ ակտիվ եւ նշանակալի գործառնություններն ընթացքում են կամ նախատեսված են ապագայում:

Հետախուզական և գնահատման ակտիվներն, ըստ բնույթի, դասակարգվում են որպես նյութական կան ոչ նյութական ակտիվների: Ընկերության Հետախուզական և գնահատման ակտիվներն ներառում են

- Սարքավորում;
- Հարմարանքներ եւ կցամասեր
- Այլ և գնահատման ծախսեր.

Հետազոտման եւ գնահատման ակտիվները չեն դասակարգվում այդպիսին, երբ հանքային ռեսուրսների արդյունահանման տեխնիկատնտեսական եւ առելտրային կենսունակությունը նկատելի չէ:

Առելտրային պաշարների հայտնաբերման պահից, ուսումնասիրության եւ գնահատման ակտիվները արժեզրկման փորձարկում են անցնում եւ փոխանցվում հանքարդյունաբերական գույքի:

Հանքային իրավունքի ձեռքբերումից առաջ գործունեությունը նախնական ուսումնասիրությունն է: Նախնական հետազոտման ծախսերը կատարվում են եւ ներառում են նախնական տեխնիկական եւ տնտեսական գնահատման, օգտակար հանածոների երկրաբանական մոդելի սահմանման եւ գնահատման, ինչպես նաև հետախուզական գործունեության հետ կապված ծախսեր:

(ե) Վարձակալված ակտիվներ

Գործառնական վարձակալությունները եւ վարձակալված ակտիվները չեն ճանաչվում Ընկերության ֆինանսական վիճակի մասին հաշվետվությունում:

(զ) Պաշարներ

Պաշարները ներկայացված են սկզբնական արժեքի և իրացման գուտ արժեքից նվազագույնով: Պաշարների արժեքը հիմնվում է առաջին մուտք առաջին ելք սկզբունքի վրա, և ներառում պաշարների, արտադրության կամ փոխարկման ծախսերի ձեռքբերման ծախսերը, ինչպես նաև այլ ծախսեր՝ կապված դրանք իրենց ներկայիս վիճակին և գտնվելու վայր հասցնելու հետ:

Իրացման գուտ արժեքը սովորական գործունեության ընթացքում հաշվարկված վաճառքի գինն է՝ հանած համալրման և վաճառքը կազմակերպելու համար անհրաժեշտ ծախսումները:

(է) Արժեզրկում

(i) Ոչ ածանցյալ ֆինանսական ակտիվներ

Ֆինանսական ակտիվը գնահատվում է յուրաքանչյուր հաշվետու ամսաթվի դրությամբ՝ արժեզրկման անկողմնակալ վկայություն հայտնաբերելու նպատակով: Ֆինանսական ակտիվը համարվում է արժեզրկված, եթե անկողմնակալ վկայությունը ցույց է տալիս, որ

ակտիվի սկզբնական ճանաչումից հետո տեղի է ունեցել կորստի դեպք, և այդ կորստի դեպքը բացասական ազդեցություն է ունեցել տվյալ ֆինանսական ակտիվի ապագա գնահատված դրամական հոսքերի վրա, որը հնարավոր է արժանահավատորեն գնահատել:

Ֆինանսական ակտիվների (ներառյալ բաժնային արժեթղթերի) արժեզրկման անկողմնակալ վկայությունը կարող է ներառել պարտականությունների չկատարումը կամ վճարումների հետաձգումը պարտապանի կողմից, Ընկերությանը վճարվելիք գումարի պայմանների այնպիսի վերանայում, որը Ընկերությունն այլ հանգամանքներում չէր դիտարկի, պարտապանի կամ թողարկողի սնանկացման հայտանիշները, արժեթղթի ակտիվ շուկայի վերացումը: Ի հավելումն, սեփական կապիտալում ներդրման իրական արժեքի զգալի կամ երկարատև անկումը իր սկզբնական արժեքից, արժեզրկման օբյեկտիվ վկայությունն է:

(ii) Ոչ ֆինանսական ակտիվներ

Ընկերության ոչ ֆինանսական ակտիվների, բացառությամբ պաշարների և հետաձգված հարկային ակտիվների, հաշվեկշռային արժեքը վերանայվում է յուրաքանչյուր հաշվետու ամսաթվի դրությամբ՝ որոշելու արդյոք առկա է որևէ հայտանիշ, ըստ որի ակտիվը կարող է արժեզրկված համարվել: Եթե որևէ այդպիսի հայտանիշ առկա է, ապա գնահատվում են ակտիվների փոխհատուցվող գումարները: Արժեզրկումից կորուստը ճանաչվում է, երբ ակտիվի կամ նրա դրամաստեղծ միավորի հաշվեկշռային արժեքը գերազանցում է նրա փոխհատուցվող գումարը:

Ակտիվի կամ դրամաստեղծ միավորի փոխհատուցվող գումարը որոշվում է որպես հետևյալ երկու մեծություններից առավելագույնը. օգտագործման արժեք և իրական արժեք հանած վաճառքի ծախսերը: Օգտագործման արժեքը գնահատելիս դրամական միջոցների գնահատված ապագա հոսքերը գեղջվում են օգտագործելով մինչև հարկումը գեղջման այն դրույքը, որն արտացոլում է ժամանակի մեջ դրամի արժեքի տվյալ շուկայի ներկա գնահատականը և այդ ակտիվին բնորոշ ռիսկերը: Արժեզրկման ստուգման նպատակով ակտիվները խմբավորվում են ակտիվների փոքրագույն խմբերի, որոնք առաջացնում են այլ ակտիվներից կամ ակտիվների խմբերից մեծապես անկախ դրամական միջոցների ներհոսքեր (դրամաստեղծ միավոր):

Արժեզրկումից կորուստները ճանաչվում են որպես ծախս շահույթ կամ վնասում: Դրամաստեղծ միավորի նկատմամբ արժեզրկման վնասները բաշխվում են նախ դրամաստեղծ միավորին բաշխված գուդվիլին, այնուհետև դրամաստեղծ միավորի (միավորների խմբի) այլ ակտիվներին համամասնական հիմունքով:

Հետախուզական և գնահատման ակտիվների համար, հետևյալ փաստերն ու հանգամանքները ցույց են տալիս, որ հետագման եւ գնահատման ակտիվները պետք է ստուգվեն արժեզրկման հայտանիշով:

- Այն ժամանակահատվածը, որում Ընկերությունն իրավասու է ուսումնասիրել որոշակի տարածք, սպառվել է կամ մոտ ապագայում կսպառվի, և Ընկերությունը չի ակնկալվում, որ ուսումնասիրության ժամկետները կերկարաձգվեն,
- կոնկրետ բնագավառում հանքային ռեսուրսների հետագա ուսումնասիրման եւ գնահատման հիմնական ծախսերը ոչ բյուջետավորված են, ոչ էլ ծրագրավորված,
- կոնկրետ տարածքում հանքային ռեսուրսների հետազոտման եւ գնահատման արդյունքները չեն հանգեցրել հանքային ռեսուրսների առևտրային կենսունակ քանակի հայտնաբերմանը, եւ ընկերությունը որոշել է այդ գործունեությունը դադարեցնել,
- առկա են բավականաչափ տվյալներ, որոնք ցույց են տալիս, որ թեև կոնկրետ ոլորտում զարգացումը, հավանաբար, կսկսվի, այնուամենայնիվ ուսումնասիրության եւ գնահատման ակտիվի հաշվեկշռային արժեքը դժվար թե ակնկալվող հաջող զարգացման կամ վաճառքի արդյունքում վերականգնվի:

Նախորդ ժամանակաշրջաններում ճանաչված արժեզրկումից կորուստները գնահատվում են յուրաքանչյուր հաշվետու ամսաթվի դրությամբ՝ բացահայտելու, թե առկա է արդյոք որևէ հայտանիշ, ըստ որի արժեզրկումից կորուստը հնարավոր է, որ այլևս գոյություն չունի կամ նվազել է: Արժեզրկումից կորուստը հակադարձվում է, եթե փոխվել են փոխհատուցվող

գումարը որոշելու համար օգտագործվող գնահատումները: Արժեզրկումից կորուստը հակադարձվում է միայն այն չափով, որ ակտիվի հաշվեկշռային արժեքը չգերազանցի այն հաշվեկշռային արժեքը, որը որոշված կլինի համապատասխան մաշվածությունը և ամորտիզացիան հաշվի առած, եթե արժեզրկումից կորուստ ճանաչված չլինի:

(Ը) Եկամուտ

Սովորական գործունեության ընթացքում ապրանքների վաճառքից ստացվող եկամուտը չափվում է ստացված կամ դեբիտորական պարտքի իրական արժեքով, զուտ շահույթից, առևտրային գեղչերից եւ ծավալների իջեցումից:

Եկամուտը ճանաչվում է այն ժամանակ, երբ համոզիչ ապացույցները գոյություն ունեն, սովորաբար վաճառքի համաձայնագրի ձևով, որ սեփականատիրոջ նշանակալից ռիսկերն ու հատույցները փոխանցվել են հաճախորդին, դրա հետ կապված ծախսերը եւ ապրանքների հնարավոր վերադարձը կարող են լինել հավաստիորեն գնահատված, ապրանքի հետ շարունակական կառավարման ներգրավվածություն չկա, եւ եկամտի գումարը կարող է արժանահավատորեն չափվել: Եթե հավանական է, որ գեղչերը տրվեն և գումարը հուսալիորեն չափվի, ապա գեղչը ճանաչվում է որպես եկամտի կրճատում, երբ որ վաճառքը ճանաչվում է:

(թ) Ֆինանսական եկամուտ և ծախսեր

Ֆինանսական եկամուտը ներառում է ներդրված եւ շահաբաժինների եկամուտների գծով տոկոսային եկամուտ: Տոկոսային եկամուտը ճանաչվում է որպես շահույթ կամ վնաս, որը կիրառվում է արդյունավետ տոկոսադրույքի մեթոդով: Շահույթաբաժնի եկամուտը ճանաչվում է շահույթում կամ վնասում `Ընկերության վճարման ընդունման իրավունքը հաստատված ամսաթվին, որը գրավադրված արժեթղթերի դեպքում սովորաբար նախկին շահաբաժնի ամսաթվով է:

Ֆինանսական ծախսերը ներառում են փոխառությունների գծով տոկոսագումարները եւ շահաբաժինները` որպես արտոնյալ բաժնետոմսերի գծով պարտավորություններ:

Փոխառության ծախսերը, որոնք ուղղակիորեն չեն համապատասխանում որակավորվող ակտիվի ձեռքբերմանը, շինարարությանը կամ արտադրությանը, օգտագործելով արդյունավետ տոկոսադրույքի մեթոդը, ճանաչվում են շահույթում կամ վնասում:

Արտաբաժնյալ ստացված շահույթը եւ վնասները հաշվարկվում են զուտ հիմունքով, քանի որ ֆինանսական եկամուտը կամ ֆինանսական ծախսերը կախված են այն բանից, թե արդյոք արտաբաժնյալ շարժումները գտնվում են զուտ շահույթի կամ զուտ կորստի վիճակի մեջ:

(ժ) Շահույթահարկ

Շահույթահարկի գծով ծախսը բաղկացած է ընթացիկ և հետաձգված հարկերից:

Ընթացիկ հարկը եւ հետաձգված հարկը ճանաչվում են շահույթում կամ վնասում, բացառությամբ այն մասի, որը վերաբերում է ուղղակիորեն այլ համապարփակ ֆինանսական արդյունքին, կամ սեփական կապիտալի հոգվածներին, որի դեպքում այն ճանաչվում է զուտ այլ համապարփակ ֆինանսական արդյունքում, կամ ուղղակիորեն սեփական կապիտալում :

Ընթացիկ հարկը տարվա հարկվող շահույթի գծով ակնկալվող վճարման ենթակա հարկի գումարն է, որը հաշվարկվում է կիրառելով հարկերի այն դրույքները, որոնք ուժի մեջ են եղել կամ ըստ էության ուժի մեջ կլինեն հաշվետու ամսաթվի դրությամբ և ներառում է նախորդ տարիների վճարման ենթակա հարկերի գծով կատարված ճշգրտումները:

Հետաձգված հարկը ճանաչվում է օգտագործելով հաշվեկշռային մեթոդը` հիմնվելով ֆինանսական հաշվետվությունների նպատակով օգտագործվող ակտիվների և պարտավորությունների հաշվեկշռային արժեքների և հարկային նպատակով օգտագործվող բազաների ժամանակավոր տարբերությունների վրա:

Հետաձգված հարկը չի ճանաչվում այն ժամանակավոր տարբերությունների դեպքում, որոնք առաջանում են`

**Ֆինանսական հաշվետվությունների մասին
ծառայություն 31 դեկտեմբերի 2017թ-ին ավարտված տարվա համար**

- ակտիվների և պարտավորությունների սկզբնական ճանաչման այն գործարքում, որը չի հանդիսանում ձեռնարկատիրական գործունեության միավորում և, որը ազդեցություն չունի հաշվապահական կամ հարկվող շահույթի վրա,
- դուստր ընկերություններում կատարած ներդրումներին վերաբերող ժամանակավոր տարբերությունների համար այնքանով, որքանով հավանական է, որ դրանք չեն հակադարձվի մոտ ապագայում,

Հետաձգված հարկի գումարը չափվում է կիրառելով հարկերի այն դրույքները, որոնք ակնկալվում է, որ կկիրառվեն ժամանակավոր տարբերությունների հանդեպ վերջիններս հակադարձելիս՝ հիմք ընդունելով այն օրենքների դրույթները, որոնք ուժի մեջ են եղել կամ ըստ էության ուժի մեջ կլինեն հաշվետու ամսաթվի դրությամբ:

Հետաձգված հարկային ակտիվները և հետաձգված հարկային պարտավորությունները հաշվանցվում են, եթե առկա է ընթացիկ հարկային ակտիվներն ընթացիկ հարկային պարտավորությունների դիմաց հաշվանցելու իրավաբանորեն ամրագրված իրավունք և հետաձգված հարկային ակտիվներն ու հետաձգված հարկային պարտավորությունները վերաբերում են շահութահարկին, որը գանձվում է նույն հարկային մարմնի կողմից, նույն հարկատուից կամ տարբեր հարկատուներից, սակայն առկա է մտադրություն հարկային պարտավորությունները մարել և հարկային ակտիվներն իրացնել գուտ հիմունքով կամ միաժամանակ իրացնել հարկային ակտիվները և մարել հարկային պարտավորությունները:

Հետաձգված հարկային ակտիվը ճանաչվում է միայն այն չափով, որքանով հավանական է, որ առկա կլինի հարկվող շահույթ, որի դիմաց կարող են օգտագործվել ժամանակավոր տարբերությունները: Հետաձգված հարկային ակտիվները վերանայվում են յուրաքանչյուր հաշվետու ամսաթվի դրությամբ և նվազեցվում են այնքանով, որքանով հավանական չէ, որ հարկային օգուտը կիրացվի:

4. Դեռևս չընդունված նոր ստանդարտներ և մեկնաբանություններ

Այս ֆինանսական հաշվետվությունների հաստատման ամսաթվի դրությամբ Հաշվապահական հաշվառման միջազգային ստանդարտների խորհրդի (ՀՀՄՄԽ) կողմից թողարկվել են որոշակի նոր ստանդարտներ, փոփոխություններ և մեկնաբանություններ գործող ստանդարտների վերաբերյալ, սակայն դեռևս չեն գործում և նախօրոք չեն ներդրվել Ընկերության կողմից:

Դեկլարությունը կանխատեսում է, որ բոլոր կիրառելի հրապարակումները կներդրվեն Ընկերության հաշվապահական հաշվառման քաղաքականությունում սկսած հրապարակման ուժի մեջ մտնելու ամսաթվին հաջորդող առաջին իսկ ժամանակաշրջանից: Ստորև ներկայացված է տեղեկատվություն նոր ստանդարտների, փոփոխությունների և վերաբերյալ, որոնք նախատեսվում է, որ կիրառելի կլինեն Ընկերության ֆինանսական հաշվետվությունների համար: Որոշ այլ նոր ստանդարտներ և մեկնաբանություններ թողարկվել են, սակայն չի ակնկալվում, որ դրանք Ընկերության ֆինանսական հաշվետվությունների վրա էական ազդեցություն կունենան:

- «Ֆինանսական գործիքներ» ՖՀՄՄ 9 (Ուժի մեջ է 2018 թվականի հունվարի 1-ին կամ դրանից հետո սկսվող տարեկան ժամանակաշրջանների համար) - ՖՀՄՄ 9-ի վերջնական տարբերակը, որը ներառում է ֆինանսական գործիքների հաշվապահական պահանջներ, փոխարինելով «Ֆինանսական գործիքներ. Ճանաչում եւ չափում» ՀՀՄՄ 39-ը: Ստանդարտը ներառում է պահանջներ հետևյալ բնագավառներում.

-Դասակարգում եւ չափում: Ֆինանսական ակտիվները դասակարգվում են ըստ գործատուի մոդելի, որտեղ դրանք անցկացվում են եւ դրանց պայմանագրային դրամական հոսքերի հատկանիշները: ՖՀՄՄ 9-ի 2014 թ. Տարբերակում ներկայացվում է որոշակի պարտքային գործիքների համար «իրական արժեք՝ այլ համապարփակ եկամուտով» կատեգորիայի միջոցով: Ֆինանսական պարտավորությունները դասակարգվում են նույն ձևով, համաձայն

**Ֆինանսական հաշվետվությունների մասին
ծառայողություն 31 դեկտեմբերի 2017թ-ին ավարտված տարվա համար**

ՀՀՄՍ 39-ի, սակայն առկա են տարբերություններ, որոնք կիրառվում են կազմակերպության վարկային ռիսկի չափման վրա:

-Արժեզրկում: ՖՀՄՍ 9-ի 2014 թ. Տարբերակում ներկայացվում է ֆինանսական ակտիվների արժեզրկման չափման համար «ակնկալվող կրեդիտային կորուստ» մոդել, ուստի այլևս անհրաժեշտ չէ վարկային միջոցառման համար առաջացել է վարկի կորուստը ճանաչելուց առաջ

-Հեջ հաշվապահական հաշվառում: Ներկայացնում է նոր հեջի հաշվառման մոդելը, որը նախատեսված է ավելի հստակ ներկայացնել, թե ինչպես են կազմակերպությունները իրականացնում ռիսկերի կառավարման գործողություններ, երբ հեջավորման ֆինանսական եւ ոչ ֆինանսական ռիսկի ազդեցությունները

- Ապահանջում: Ֆինանսական ակտիվների եւ պարտավորությունների ապահանջման պահանջները փոխանցվում են ՀՀՄՍ 39-ից:

▪ **ՖՀՄՍ 15 «Հանախորդների հետ պայմանագրերից հասույթ»**

ՖՀՄՍ 15-ը հասույթի ճանաչման նոր պահանջներ է ներկայացնում՝ փոխարինելով ՀՀՄՍ 18-ը «Հասույթ», ՀՀՄՍ 11-ը «Կառուցման պայմանագրեր» և հասույթի հետ կապված որոշ այլ մեկնաբանություններ: Նոր ստանդարտը սահմանում է հասույթի ճանաչման մոդել՝ հիմնված վերահսկողության վրա և լրացուցիչ ուղեցույց է տրամադրում գործող ՖՀՄՍ- ներում մանրամասնորեն չներկայացված տարբեր ոլորտների վերաբերյալ, ներառյալ՝ ինչպես հաշվառել բազմակի պարտավորությունների կատարման, փոփոխուն գնագոյացմամբ, հաճախորդներին փոխհատուցման իրավունքների, մատակարարների՝ հետգնման տարբերակների պայմաններ և այլ բարդություններ պարունակող պայմանագրերը: ՖՀՄՍ 15-ը ուժի մեջ է մտնում 2018թ. հունվարի 1-ին և դրանից հետո սկսվող ժամանակաշրջանների համար: Ընկերության ղեկավարությունը դեռևս չի գնահատել ՖՀՄՍ 15-ի ազդեցությունը սույն ֆինանսական հաշվետվությունների վրա:

▪ **ՖՀՄՍ 16 «Վարձակալություն»**

ՖՀՄՍ 16-ում ներկայացված են վարձակալության հաշվառման նոր պահանջներ և փոփոխություններ: ՖՀՄՍ 16-ը սահմանում է, որ վարձակալները պետք է հաշվառեն վարձակալությունները «հաշվապահական հաշվեկշռում»՝ ճանաչելով «օգտագործման իրավունքը» որպես ակտիվ և վարձակալության գծով համապատասխան պարտավորությունը:

Միևնույն ժամանակ ՖՀՄՍ 16-ը՝

- ✓ փոփոխում է վարձակալության սահմանումը,
- ✓ սահմանում է ակտիվի և պարտավորության հաշվառման պահանջներ, այդ թվում՝ դրանց այնպիսի առանձնահատկությունների, ինչպիսիք են ոչ-վարձակալական տարրերը, փոփոխվող վարձակալական վճարները և արտոնյալ (օպցիոն) ժամանակաշրջանները,
- ✓ ազատման հնարավորություն է տալիս կարճաժամկետ վարձակալությունների և ցածրարժեք ակտիվների համար,
- ✓ փոփոխում է «վաճառք հետադարձ վարձակալությամբ» պայմանավորվածությունների հաշվառումը,
- ✓ մեծապես պահպանում է ՀՀՄՍ 17-ի մոտեցումը՝ վարձատուների հաշվառման մասով,
- ✓ ներկայացնում է նոր բացահայտման պահանջներ:

ՖՀՄՍ 16-ը ուժի մեջ է մտնում 2019թ. հունվարի 1-ին և դրանից հետո սկսվող տարեկան ժամանակաշրջանների համար: Թույլատրվում է ստանդարտի վաղաժամկետ կիրառումը՝ պայմանով, որ ՖՀՄՍ 15-ը «Հանախորդների հետ պայմանագրերից հասույթ», նույնպես կիրառվի: Ընկերության ղեկավարությունը դեռևս չի գնահատել ՖՀՄՍ 16-ի ազդեցությունը սույն ֆինանսական հաշվետվությունների վրա:

5. Վարչական ծախսեր

’000 ՀՀ դրամ	2017	2016
Անձնակազմ	10,276	19,808
Մանսագիտական ծառայություններ	5,400	5,400
Գրասենյակային և կոմունալ ծախսեր	2,927	3,115
Մաշվածություն	2,209	2,683
Գործուղում	306	-
Ապահովագրություն	259	900
Բանկային ծախսեր	80	168
Վարչական այլ ծախսեր	274	999
	21,731	33,073

6. Այլ ծախսեր

’000 ՀՀ դրամ	2017	2016
Հիմնական միջոցների գույտ օգուտ կամ վնաս	1,597	
Չուտ վնաս արտարժույթի փոխարկումից	(159)	(282)
Օգնություն	(143)	(298)
	1,295	(580)

7. Ֆինանսական եկամուտներ և ֆինանսական ծախսեր

’000 ՀՀ դրամ	2017	2016
Արտարժույթի փոխարժեքի գույտ վնաս	(156)	(54)
	(156)	(54)

8. Ծախսատարների գծով ծախս

’000 ՀՀ դրամ	2017	2016
Հետաձգված հարկ		
Հետաձգված հարկ՝ ճանաչված շահույթի կամ վնասի հաշվին	3,940	5,032
Հետաձգված հարկ՝ ուղղակիորեն ճանաչված սեփական կապիտալում	(5,235)	167,846
	(1,295)	172,878

Ընթացիկ հարկի կիրառելի հարկային դրույքը կազմում է 20%: Ընկերությունը կիրառել է 20% հետաձգված հարկի դրույքաչափ: Փոխարկելի փոխառությունների հետ կապված հետաձգված հարկը ուղղակիորեն ճանաչվել է սեփական կապիտալում որպես լրացուցիչ կապիտալի մաս:

Արդյունավետ հարկային դրույքի համադրում

	2017		2016	
	AMD’000	%	AMD’000	%
Վանար նախքան հարկումը	(20,592)		(33,708)	
Հարկ կիրառելի տեղական հարկային դրույքով	4,118	-20%	6,742	-20%
Չհարկվող և չնվազեցվող հոդվածներ	(178)	1%	(1,709)	5%
	3,940	-19%	5,032	-15%

Ծանաչված հետաձգված հարկային ակտիվները և պարտավորությունները.

**Ֆինանսական հաշվետվությունների մասին
ծանոթագրություն 31 դեկտեմբերի 2017թ-ին ավարտված տարվա համար
Պարտավորություն**

	Ակտիվներ		ներ		Զուտ	
	2017	2016	2017	2016	2017	2016
'000 ՀՀ դրամ						
Փոխառություններ			(6,950)	(1,758)	(6,950)	(1,758)
Հետախուզական և գնահատման ակտիվներ			(17,216)	(15,514)	(17,216)	(15,514)
Հետաձգված հարկային վնաս	16,362	10,144			16,362	10,144
Դեբիտորական պարքեր	800	2,001			800	2,001
Հիմնական միջոցներ	16,362	10,144	(407)	(990)	(407)	(990)
Զուտ հարկային ակտիվներ/ (պարտավորություններ)	17,162	12,146	(17,623)	(18,262)	(7,412)	(6,117)

Տարվա ընթացքում ժամանակավոր տարբերությունների շարժ

	Ճանաչված շահույթում կամ		
	1 հունվար 2017	վնասում/սեփա կան կապիտալ	31 դեկտեմբեր 2017
'000 AMD			
Փոխառություններ	(1,758)	(5,191)	(6,950)
Հետախուզական և գնահատման ակտիվներ	(15,514)	(1,702)	(17,216)
Դեբիտորական պարքեր	2,001	(1,201)	800
Հետաձգված հարկային վնաս	10,144	6,217	16,362
Հիմնական միջոցներ	(990)	583	(407)
	(6,117)	(1,295)	(7,412)

	Ճանաչված շահույթում կամ		
	1 հունվար 2016	վնասում/սեփա կան կապիտալ	31 դեկտեմբեր 2016
'000 ՀՀ դրամ			
Փոխառություններ	(191,940)	190,182	(1,758)
Հետախուզական և գնահատման ակտիվներ	(11,123)	(4,391)	(15,514)
Ընթացիկ տարվա հարկային վնաս	2,429	7,716	10,144
Դեբիտորական պարքեր	22,813	(20,812)	2,001
Հիմնական միջոցներ	(1,173)	184	(990)
	(178,995)	172,878	(6,117)

9. Հետախուզական և գնահատման ակտիվներ

'000 ՀՀ դրամ	Ընդամենը
Մնացորդ առ 01 հունվար 2016թ.	715,087
Ավելացում	204,606
Մնացորդ առ 31 դեկտեմբեր 2016թ.	919,693
Ավելացում	72,371
Մնացորդ առ 31 դեկտեմբեր 2017թ.	992,064

10. Հիմնական միջոցներ

	Հոդատարածք	Ծենքեր և վարձակալված գույքի բարեկարգում	Տրանսպորտային միջոցներ	Հիմնական միջոցներ	Հարմարանքներ և կցամասեր	Այլ	Ընդամենը
Ծախսեր							
Մնացորդ առ հունվար 2016թ.		21,122	18,107	1,820	1,971	8,603	52,285
Ավելացումներ	662	-	-	-	-		662
Օտարումներ	-	-	-	-	-	(461)	(461)
Մնացորդ առ 31 դեկտեմբեր 2016թ.	662	21,122	18,107	1,820	1,971	8,142	51,824
Մնացորդ առ 01 հունվար 2017թ.	662	21,122	18,107	1,820	1,971	8,142	51,824
Ավելացումներ	-	-	-	-	197	-	197
Օտարումներ	-	-	(10,363)	-	-	(40)	(10,403)
Մնացորդ առ 31 դեկտեմբեր 2017թ.	662	21,122	7,743	1,820	2,169	8,102	41,618
Մաշվածություն							
Մնացորդ առ 01 հունվար 2016թ.		2,466	6,532	1,101	795	2,355	13,249
Մաշվածություն տարվա համար		1,842	3,621	406	349	968	7,186
Օտարումներ	-					-461	(461)
Մնացորդ առ 31 դեկտեմբեր 2016թ.	-	4,308	10,153	1,506	1,144	2,862	19,973
Մնացորդ առ 01 հունվար 2017թ.	-	4,308	10,153	1,506	1,144	2,862	19,973
Մաշվածություն տարվա համար	-	1,842	2,378	231	389	919	5,758
Օտարումներ	-	-	-7,579	-	-	-29	(7,608)
Մնացորդ առ 31 դեկտեմբեր 2017թ.	-	6,149	4,952	1,737	1,533	3,751	18,123
Հաշվեկշռային գումարներ							
Առ 2016թ-ի 01 հունվար	-	18,656	11,575	719	1,839	6,248	39,036
Առ 2016թ-ի 31 դեկտեմբեր	662	16,814	7,953	313	827	5,280	31,850
Առ 2017թ-ի 31 դեկտեմբեր	662	14,972	2,791	83	636	4,351	23,494

11. Առևտրային և այլ դեբիտորական պարքեր

’000 ՀՀ դրամ	2017	2016
Դեբիտորական պարտքեր պետ. բյուջեից	31,882	32,285
Կանխավճարներ	267	548
	32,149	32,833

Ընկերության՝ առևտրային և այլ դեբիտորական պարտքերի հետ կապված վարկային ռիսկի վիճակն արտացոլված է Ծանոթագրություն 15-ում:

12. Դրամական միջոցներ և դրանց համարժեքներ

’000 ՀՀ դրամ	2017	2016
Բնակային մնացորդներ	5,192	6,718
Մանր ծախսեր	1,275	43
Դրամական միջոցներ և դրանց համարժեքներ	58	13
Ֆինանսական վիճակի և դրամական հոսքերի հաշվետվություններում	6,525	6,773

Ընկերության կողմից դրամական միջոցների և դրանց համարժեքների հետ կապված արժույթային ռիսկի վիճակն արտացոլված է Ծանոթագրություն 16-ում:

13. Կապիտալ և պահուստներ

(ա) Հասարակ բաժնետոմսեր և էմիսիոն եկամուտ

2016թ-ի սեպտեմբեր ամսին Ընկերությունը թողարկեց 400 (չորս հարյուր) հասարակ բաժնետոմսեր 500 ՀՀ դրամ անվանական արժեքով: Բաժնետոմսերը ձեռք են բերվել Օրոգեն Գոլդ (Արմենիա) ՍՊԸ կողմից՝ 1(մեկ) բաժնետոմսի համար 2,956,250 (երկու միլիոն ինը հարյուր հիսունվեց հազար երկու հարյուր հիսուն) դրամ շուկայական արժեքով: Ընկերությանը վճարված ընդհանուր գումարը կազմում է 1,182,500(մեկ միլիոն մեկ հարյուր ութսուներկու հազար հինգ հարյուր) ՀՀ դրամ, որը կարգավորվում է փոխարկելի փոխառության միջոցով:

2017թ. նոյեմբեր ամսին, Ընկերությունը թողարկեց 67 հասարակ բաժնետոմսեր 500 ՀՀ դրամ անվանական արժեքով: Բաժնետոմսերը ձեռք են բերվել Օրոգեն Գոլդ (Արմենիա) ՍՊԸ կողմից՝ 776,9 (յոթ հարյուր յոթանասունվեց ամբողջ ինը տասնորդական) հազար ՀՀ դրամ շուկայական արժեքով: Ընկերությանը վճարված ընդհանուր գումարը կազմում է 52,053(հիսուներկու հազար հիսուներեք) հազար ՀՀ դրամ, որը կարգավորվում է փոխարկելի փոխառության միջոցով:

Ներկայումս Ընկերության 467 հասարակ բաժնետոմսերը պատկանում են Օրոգեն Գոլդ (Արմենիա) ՍՊԸ-ին, 63 բաժնետոմսերի սեփականատերն է Հովսեփ Հովասափյանը, 25 բաժնետոմսերինը՝ Արմեն Սաֆարյանը և 12 բաժնետոմսերը պատկանում են Լյուդմիլա Բադալյանին:

(բ) Լրացուցիչ կապիտալ

Լրացուցիչ կապիտալը առաջացել է Սենեքս Հոլդինգ ՍՊԸ փոխարկելի փոխառություններից:

’000 ՀՀ դրամ	2017	2016
Փոխարկելի փոխառության բաժնեմասի բաղադրիչ	34,922	8,749
Հետաձգված հարկային արդյունք	(6,984)	(1,750)
	27,938	6,999

14. Փոխառություններ

Սույն ծանոթագրությունը տեղեկատվություն է տրամադրում Ընկերության փոխառությունների պայմանագրային դրույթների մասին: Ընկերությունը փոխարկելի փոխառություն է ստացել Սենեքս Հոլդինգ ՍՊԸ կողմից մինչև 2029 թ.-ը, որը կարող է ուղղվել Ընկերության բաժնետոմսերը ձեռքբերմանը: Փոխարկելի փոխառությունը բարդ գործիք է՝ պարտավորության և սեփական կապիտալի բաղադրիչներով: Փոխառության և լրացուցիչ կապիտալի միջև բաշխումը որոշվում է նման պարտքային գործիքների իրական արժեքի հիման վրա: Լրացուցիչ կապիտալին հատկացված գումարը փոխառության բաղադրիչի իրական արժեքի՝ ամբողջ բարդ

**Ֆինանսական հաշվետվությունների մասին
ծանոթագրություն 31 դեկտեմբերի 2017թ-ին ավարտված տարվա համար**

գործիքի իրական արժեքից հանած մնացորդն է: Հայաստանի Հանրապետության երկարաժամկետ պետական արժեթղթերի շուկայի տոկոսադրույքը օգտագործվել է փոխառության իրական արժեքի որոշման համար:

Բաժնետերերից ստացված փոխառություններն ըստ պահանջի են և հաշվառվում են իրենց անվանական արժեքով:

Ընկերության տոկոսադրույքի, արտարժույթի և իրացվելիության ռիսկի ազդեցության մասին լրացուցիչ տեղեկություններն արտացոլված են 16-րդ ծանոթագրությունում:

’000 ՀՀ դրամ

	2017թ.	2016թ.
Փոխարկելի փոխառություններ	18,055	18,355
Բաժնետերերից փոխառություններ	13,661	-
	31,716	18,355

Պարտքերի փոխհատուցման պայմաններ և ժամանակացույց

’000 ՀՀ դրամ	Արժույթ	Անվանական տոկոսադրույք	Վերադարձ ման ժամկետ	31 դեկտեմբեր 2017թ.		31 դեկտեմբեր 2016թ.	
				Անվանական արժեք	Հաշվեկշռային արժեք	Անվանական արժեք	Հաշվեկշռային արժեք
Փոխարկելի փոխառություններ	ԱՄՆ դոլար	0%	2029	48,410	13,661	-	-
Բաժնետերերից փոխառություններ	ՀՀ դրամ	0%	Ըստ պահանջի	18,055	18,055	18,355	18,355
				66,465	31,716	18,355	18,355

15. Առևտրային և այլ կրեդիտորական պարտքեր

’000 ՀՀ դրամ

	2017թ.	2016թ.
Պետական բյուջե վճարվող կրեդիտորական պարտքեր	2,429	1,979
Առևտրային կրեդիտորական պարտքեր	118	65
Աշխատակիցների չօգտագործված արձակուրդայիններ	1,452	10,006
	4,000	12,050

Ընկերության տոկոսադրույքի, արտարժույթի և իրացվելիության ռիսկի ազդեցության մասին լրացուցիչ տեղեկություններն արտացոլված են 16-րդ ծանոթագրությունում:

16. Ֆինանսական գործիքներ և ռիսկերի կառավարում

(ա) Ամփոփ ներկայացում

Ֆինանսական գործիքներն օգտագործելիս Ընկերությունը ենթարկվում է հետևյալ ռիսկերի՝

- վարկային ռիսկ,
- իրացվելիության ռիսկ,
- շուկայական ռիսկ:

Սույն ծանոթագրությունում ներկայացված է տեղեկատվություն վերը նշված յուրաքանչյուր ռիսկին Ընկերության ենթարկվածության մասին, ինչպես նաև ռիսկերի չափման և կառավարման հետ կապված Ընկերության նպատակները, քաղաքականությունը և գործընթացները: Հետագա քանակական բացահայտումները ներառված են սույն ֆինանսական հաշվետվություններում:

Ռիսկերի կառավարման հիմունքներ

Ղեկավարությունը պատասխանատվություն է կրում է Ընկերության ռիսկերի կառավարման քաղաքականության մշակման, ինչպես նաև վերահսկման համար: Թեև ղեկավարությունը չի ստեղծել վերահսկող ֆորմալ մարմին, որը պատասխանատու է ռիսկերի կառավարման համար, սակայն գոյություն ունի

ժիսկերի կառավարման որոշակի քաղաքականություն, որը նպատակ ունի ապահովել երկարաժամկետ հատվածում Ընկերության կենսունակությունը և գործունեության առավելագույն արդյունավետությունը:

(բ) Վարկային ռիսկ

Վարկային ռիսկը ֆինանսական վնաս կրելու Ընկերության ռիսկն է, եթե գնորդը կամ ֆինանսական գործիքի կիրառության մյուս կողմը չկարողանա կատարել իր պայմանագրային պարտավորությունները: Այն հիմնականում առաջանում է Ընկերության գործընկերների դեբիտորական պարտքերից:

(գ) Ենթարկվածությունը վարկային ռիսկին

Ֆինանսական ակտիվների հաշվեկշռային արժեքը ներկայացնում է առավելագույն ենթարկվածությունը վարկային ռիսկին: Ստորև ներկայացված է վարկային ռիսկին առավելագույն ենթարկվածությունը հաշվետու ամսաթվի դրությամբ:

'000 ՀՀ դրամ	Հաշվեկշռային արժեք	
	2017թ.	2016թ.
Բանկային ընթացիկ հաշվեհամարներ	5,250	6,731
	5,250	6,731

Ընկերությունն իրականացրել է բանկի մնացորդներ, որոնք ներկայացնում են այդ ակտիվների առավելագույն վարկային ռիսկը: Կանխիկ դրամական միջոցները և դրանց համարժեքները իրականացվում են հեղինակավոր հայկական բանկերով, և ընկերությունը չի ակնկալում, որ չեն կարողանա չկատարել իրենց պարտականությունները:

(դ) Իրացվելիության ռիսկ

Իրացվելիության ռիսկը ենթադրում է, որ Ընկերությունը կունենա դժվարություններ՝ իր ֆինանսական պարտավորությունների հետ կապված պարտականությունները կատարելիս, որոնց մարումը պահանջում է դրամական միջոցների կամ մեկ այլ ֆինանսական ակտիվի տրամադրում:

Ընկերության կողմից իրացվելիության ռիսկի կառավարման մոտեցումն է մշտապես ապահովել հնարավորինս բավարար իրացվելիություն պահանջվող ժամկետներում պարտավորությունները մարելու համար թե սովորական, թե արտասովոր պայմաններում՝ առանց անընդունելի վնասների հանգեցնելու կամ Ընկերության համբավը վտանգի ենթարկելու: Ընկերությունն, որպես կանոն, ապահովում է, որ բավարար կանխիկ գումար ունի բավարարելու 60 օրվա ընթացքում սպասարկվող գործառնական ծախսերը պահանջը, ներառյալ ֆինանսական պարտավորությունների սպասարկումը, որը բացառում է ծայրահեղ հանգամանքների հնարավոր ազդեցությունը, որը չի կարող կանխատեսելի լինել, օրինակ՝ բնական աղետը:

Ստորև բերված են ֆինանսական պարտավորությունների պայմանագրային մարման ժամկետները, ներառյալ գնահատված տոկոսների վճարումները.

2017թ. '000 ՀՀ դրամ	Հաշվեկշռային արժեք	Պայամանագրային դրամական հոսքեր	Ըստ պահանջի	0-6 ամիս	5 և ավել տարի
Ոչ ածանցյալ ֆինանսական պարտավորություններ					
Փոխարկելի փոխառություններ	13,661	48,410			48,410
Փոխառություններ բաժնետերերից	18,055	18,055	18,055		
Առևտրային և այլ կրեդիտորական պարտքեր	118	118		118	
	31,835	66,583	18,055	118	48,410

**Ֆինանսական հաշվետվությունների մասին
ծանոթագրություն 31 դեկտեմբերի 2017թ-ին ավարտված տարվա համար**

2016թ. '000 ՀՀ դրամ	Հաշվեկշռային արժեք	Պայամանագրային որամական հոսքեր	Ըստ պահանջի	0-6 ամիս	5 և ավել տարի
Ոչ ածանցյալ ֆինանսական պարտավորություններ					
Փոխառություններ բաժնետերերից	18,355	18,355	18,355		
Առևտրային և այլ կրեդիտորական պարտքեր	65	65		65	
	18,420	18,420	18,355	65	-

Չի ակնկալվում, որ մարման ժամկետի վերլուծության մեջ ներառված դրամական միջոցների հոսքերը կարող են ի հայտ գալ զգալիորեն ավելի վաղ կամ զգալիորեն տարբեր գումարներով:

(ե) Շուկայական ռիսկ

Շուկայական ռիսկերը շուկայական գների, օրինակ, արտարժույթի, փոփոխության հետևանքով Ընկերության եկամուտների կամ դրա ակտիվների արժեքի վրա հնարավոր ազդեցության ռիսկերն են: Շուկայական ռիսկի կառավարման նպատակը ռիսկի այնպիսի կառավարումն ու վերահսկումն է, որը թույլ կտա պահպանել ընդունելի սահմաններում այս ռիսկին ենթարկվածության աստիճանը միաժամանակ ապահովելով ռիսկի դիմաց եկամտաբերության օպտիմալացումը:

Արժույթային ռիսկ

Ընկերությունը ենթարկվում է դոլարի փոխարժեքի ռիսկի, որը փոխարկվում է ԱՄՆ դոլարով:

Արտարժույթի ռիսկի ազդեցությունը

Ընկերության կողմից արտարժույթային ռիսկի ենթարկումը պայմանական գումարների հիման վրա, հետևյալն է՝

'000 ՀՀ դրամ	ԱՄՆ դոլարով արտահայտված	ԱՄՆ դոլարով արտահայտված
	2017թ.	2016թ.
Արտարժույթային հաշիվներ	5,192	6,718
Փոխառություններ	13,661	-
Ռիսկի գուտ գումարը	18,853	6,718

Տարվա ընթացքում կիրառվել են հետևյալ փոխարժեքները՝

ՀՀ դրամով	Միջին փոխարժեք		Հաշվետվության ամսաթիվ	
	2017թ.	2016թ.	2017թ.	2016թ.
ԱՄՆ դոլար 1	483.20	482.85	484.10	483.94

Զգայունության վերլուծություն

Դեկտեմբերի 31-ին դոլարի նկատմամբ դրամի 5%-ով ստորև բերված ամրապնդումը (թուլացումը), կբարձրացներ շահույթը կամ վնասը մինչև հարկերը, ստորև նշված գումարներով: Այս վերլուծությունը հիմնված է հաշվետու ժամանակաշրջանի վերջի դրությամբ Ընկերության համար ողջամիտ հնարավոր համարվող արտարժույթի փոխարժեքի տարբերության վրա: Վերլուծությունը ենթադրում է, որ մյուս բոլոր փոփոխականները, մասնավորապես տոկոսադրույքները, մնում են անփոփոխ: Վերլուծությունը կատարվում է նույն հիմքի վրա, 2013 թ.-ի համար:

'000 ՀՀ դրամ	Ամրապնդում	Թուլացում
31 դեկտեմբեր 2017թ.	(943)	943
31 դեկտեմբեր 2016թ.	(339)	339

(զ) Հաշվապահական դասակարգում և իրական արժեքներ

Ղեկավարությունը գտնում է, որ իր ֆինանսական ակտիվների և պարտավորությունների իրական արժեքը մոտենում է դրանց հաշվեկշռային արժեքներին:

17. Պայմանական դեպքեր և պարտավորվածություններ**(ա) Ապահովագրություն**

Հայաստանի Հանրապետությունում ապահովագրական համակարգը զարգացման փուլում է, և ապահովագրության շատ տեսակներ, որոնք լայնորեն տարածված են մյուս երկրներում, դեռևս չեն կիրառվում Հայաստանում: Ընկերությունը, բացառությամբ տրանսպորտային միջոցների, չի ապահովագրել իր գույքը կամ երրորդ կողմի պատասխանատվությունը գույքի և շրջակա միջավայրի նկատմամբ, որոնք կարող են առաջանալ պատահարներից կամ Ընկերության գործունեությունից: Մինչ Ընկերության կողմից ամբողջական ապահովագրական ծածկույթ ձեռք բերելը, գոյություն ունի ռիսկ, որ որոշ ակտիվների կորուստը կամ ոչնչացումը կարող է անբարենպաստ էական ազդեցություն ունենալ Ընկերության գործառնությունների և ֆինանսական վիճակի վրա:

(բ) Դատական վեճեր

Ընկերությունը ներգրավված չէ որևէ նշանակալի դատական գործերում և հայցերում, որոնք կարող են զգալի ազդեցություն ունենալ ընկերության ֆինանսական վիճակի վրա:

(գ) Հարկային արտոնություններ

Հայաստանի Հանրապետության հարկային համակարգը համեմատաբար նոր է և բնորոշվում է օրենսդրության, ոլորտը կարգավորող ՀՀ կառավարության որոշումների, պաշտոնական պարզաբանումների և այլ իրավական ակտերի հաճախակի փոփոխություններով, որոնք հաճախ հստակ չեն, հակասական են և տարբեր մեկնաբանությունների և տարբերեցումների առարկա են: Հարկային վարչարարությունն իրականացվում է տարբեր պետական և համայնքային մարմինների կողմից, որոնք իրավասու են կիրառել խիստ տույժեր և տուգանքներ: Հարկային օրենսդրության խախտման դեպքում հարկային մարմինների կողմից հարկերի, տույժերի եւ տուգանքների համար պատասխանատվություն չեն կարող առաջադրվել, եթե դրանք հարկ վճարողին առաջադրվել են խախտումը կատարելու հարկային տարվան անմիջապես հաջորդող երրորդ հարկային տարին լրանալուց հետո, իսկ անշարժ գույքի հարկին և փոխադրամիջոցների գույքահարկին վերաբերող խախտումներ հայտնաբերելու դեպքում հարկային պարտավորություններ չեն կարող առաջանալ, եթե տվյալ խախտումը հայտնաբերվել է այն կատարելու հարկային տարվան անմիջապես հաջորդող տասներորդ հարկային տարին լրանալուց հետո: Այս փաստերը Հայաստանում, այլ երկրների համեմատությամբ, կարող են ավելի մեծ և էական հարկային ռիսկեր առաջացնել: Ղեկավարությունը գտնում է, որ իր հարկային պարտավորությունները գնահատել է ՀՀ հարկային օրենսդրության, պաշտոնական հայտարարությունների և դատական որոշումների՝ իր մեկնաբանությունների հիման վրա: Այնուամենայնիվ, համապատասխան իրավասու մարմինները կարող են ունենալ այլ մեկնաբանություններ, և հետևանքները կարող են լինել էական այս համախմբված ֆինանսական հաշվետվությունների համար, եթե իրավասու մարմիններին հաջողվի գործադրել իրենց մեկնաբանությունները:

(դ) Շրջակա միջավայրի հետ կապված խնդիրներ

Ղեկավարության համոզմամբ՝ Ընկերությունը բավարարում է շրջակա միջավայրի հետ կապված Կառավարության պահանջները և վստահ է, որ Ընկերությունն ապահովում է շրջակա միջավայրի հետ կապված պարտավորությունները: Այնուամենայնիվ, Հայաստանում շրջակա միջավայրի վերաբերյալ օրենսդրությունը զարգացման փուլում է, և դրա հավանական փոփոխություններն ու օրենսդրության մեկնաբանությունները ապագայում կարող են էական պարտավորություններ առաջացնել:

18. Գործարքներ կապակցված կողմերի հետ**(ա) Վերահսկողություն**

Ընկերության վերջնական վերահսկող կողմ է հանդիսանում Օրոգեն Գոլդ(Արմենիա) ՍՊԸ-ն:

(բ) Գործարքներ ղեկավարության հետ*i. Ղեկավարության վարձատրություն*

Տարվա ընթացքում ղեկավարությունը ստացել է հետևյալ վարձատրությունը

**Ֆինանսական հաշվետվությունների մասին
ծանոթագրություն 31 դեկտեմբերի 2017թ-ին ավարտված տարվա համար**

’000 ՀՀ դրամ	2017թ.	2016թ.
Աշխատավարձեր և պարգևավճարներ	24,445	38,754
ii. Փոխառությունների մնացորդ		
’000 ՀՀ դրամ	2017թ.	2016թ.
Բաժնետերերից, որպես հիմնական դեկավար անդամներ, ստացված փոխառություններ	18,055	18,355
(գ) Գործարքներ այլ կապակցված կողմերի հետ		
’000 ՀՀ դրամ	2017	2016
Անվանական արժեքով փոխարկելի փոխառություններ	-	8,792